



МУШТАРАК ҚАДРИЯТЛАР, ЎЗARO МАНФААТЛИ ҲАМКОРЛИК ҚOЗОҒИСТОН ВА ТУРКИЯ ПРЕЗИДЕНТЛАРИ ТЕЛЕФОН ОРҚАЛИ МУЛОҚОТДА БЎЛДИ

Қасим-Жўмарт Тўқаев Ражаб Тойиб Эрдўғонга мамлакатнинг бир қанча ҳудудларида сув тошқинлари туфайли юзага келган мураккаб вазиятда кўрсатган ёрдами учун миннатдорчилик билдирди.

Президентлар анъанавий дўстлик, қардошлик ҳамда стратегик шерикликка асосланган ҳамкорлик алоқалари барча соҳаларда, жумладан, савдо-иқтисодий, сарможий ҳамда маданий-гуманитар йўналишларда тобора жадаллашиб бораётганини мамнуният билан қайд этдилар.

Қозоғистон Президенти Туркия Республикаси билан қардошлик муносабатларини, шунингдек, икки мамлакат халқлари ўртасидаги доимий ҳамкорлик ва ўзаро дўстликни юксак қадрлашини таъкидлади.

Суҳбат чоғида президентлар икки давлат ўртасидаги стратегик шерикликни янада мустаҳкамлаш масалаларини муҳокама қилдилар ва бўлажак учрашувлар режасини кўриб чиқдилар.

Қозоғистон ва Туркия Президентларининг телефон орқали мулоқоти ҳар доимгидек очиқ, ишончли ва дўстона руҳда ўтди.

Akorda.kz.

ҚР Парламент Сенатида



ОРОЛ ЭКОТИЗИМИНИ ТИКЛАШ ЛОЙИҲАЛАРИ МУҲОКАМАДА

ҚР Парламент Сенати раиси Маулен Ашимбаев Европада хавфсизлик ва ҳамкорлик ташкилоти Парламент Ассамблеясининг Марказий Осиё бўйича махсус вакили Фараҳ Каримий бошчилигидаги делегация билан учрашди. Томонлар халқаро ташкилотлар доирасидаги ҳамкорликни янада ривожлантириш истиқболларини муҳокама қилдилар.

Маулен Ашимбаев Марказий Осиё давлатлари ўртасидаги муносабатларни стратегик шериклик руҳида ривожлантиришга алоҳида эътибор қаратди.

Марказий Осиё давлатларининг атроф-муҳит ҳолати, иқлим ўзгариши, трансчегаравий дарёлар, ирригация, сув захираларидан оқилона фойдаланиш ва бошқа соҳалардаги муаммолар билан боғлиқ долзарб масалалари муҳокама қилинди. Хусусан, Орол денгизи экотизимини тиклаш бўйича қўшма лойиҳалар ва палатанинг бу борадаги қонунчилик ишларига алоҳида эътибор қаратилди.

— 2022 йилда давлат раҳбарлари Марказий Осиёни XXI асрда ривожлантириш бўйича дўстлик, яхши қўшничилик ва ҳамкорлик тўғрисидаги шартномани имзолдилар. Ўзбекистон, Қирғизистон ва Тожикистон билан ҳамкорлик бўйича икки томонлама парламентларо комиссиялар доирасида фаол иш олиб бормоқдамиз. Бундан ташқари, биз янги платформа — Марказий Осиё давлатлари парламентларо форумини ташкил этдик. Ўтган йили биринчи форум Қозоғистонда ўтди, — деди палата раиси.

Маулен Ашимбаев парламент вакилларига Қозоғистонда Давлат раҳбари ташаббуси билан амалга оширилаётган ислохотларнинг бориши ҳақида ҳам ахборот берди.

ТУРКСОЙ ҳам Қозоғистон халқига ёрдам кўрсатади

Туркий маданият халқаро ташкилоти ТУРКСОЙ мамлакатнинг қатор ҳудудларида кучли сув тошқинидан жабр кўрган Қозоғистон фуқароларига ёрдам бериш ниятида.

Бу ҳақда ТУРКСОЙ Бош котиби Султон Раев маълум қилди.

— Туркий оламни бирлаштириш мақсадида ташкил этилган ТУРКСОЙ ташкилоти оғир дамларда қардош давлатларнинг дardini енгил қилиш учун ҳар томонлама ёрдам беришга тайёр. Ушбу оғир даврда биз Қозоғистонга ва мамлакат халқига ёрдам кўрсатмоқдамиз. Биз Қозоғистон билан биргамиз! Бугун Қозоғистон оғир кунларни бошидан кечирмоқда. Шимолий Қозоғистоннинг айрим ҳудудлари тўфон суви остида қолди. Мамлакат иқтисодиёти бу табиий офатдан улкан зарар кўрди. Сизларнинг ташвишингиз — бизнинг ҳам ташвишимиз, — деди ТУРКСОЙнинг Бош котиби.

24.kz.

ЎЗБЕГ-У ҚOЗОҒИМ,
ҚОН-ҚАРДОШ
ЭЛИМ!

5-бет

ЁРИЛ, ЁРИЛТОШ,
МЕН УКАМНИ
БИР КЎРАЙИН...

7-бет

САХОВАТПЕША
ХАЛҚИМИЗ
ОМОН БЎЛСИН!

8-бет

Вилоят ижтимоий-сиёсий газетаси



Жанубий ҚOЗОҒИСТОН

1991 йил 5 апрелдан чиқа бошлаган
Сешанба, пайшанба ва шанба кунлари чиқади

2024 йил 13 апрель, шанба, №41 (3387).

“ТОЗА ҚOЗОҒИСТОН” АКЦИЯСИ – ҲОКИМ НАЗОРАТИДА

Вилоят ҳокими Дархан Сатибалди вилоят марказидаги жамоат транспорти фаолиятини яна бир бор қузатди. “Фаол ҳордиқ” истироҳат боғида олиб борилаётган ишларни назорат қилган минтақа раҳбари “Янги шаҳар”дан “Бекзат” кичик туманига қадар бўлган ҳудудни кўздан кечириб, пудратчи ташкилотлар раҳбарларига ишларни сифатли ва ўз вақтида яқунлаш юзасидан кўрсатмалар берди.



У “Prime Residence” уй-жой мажмуаси қурилиши билан ҳам танишди. Бу уйлар замонавий услубда қурилади. Аҳоли учун қўлай шароитлар яратилади.

Вилоят ҳокими “Тоza Қозоғистон” акцияси доирасида амалга оширилаётган

ободонлаштириш ва тозалаш тадбирлари билан танишди. Шаҳарни ободонлаштириш, инфратузилмани янгилаш, янги иншоотлар қўшиш борасидаги ишлар юзасидан фикр алмашди. Туркистон шаҳрида олиб борилаётган қурилиш

ишларини назорат қилиб, мутасадди бошқарма раҳбарлари ва шаҳар ҳоқими-га тегишли топшириқлар берди.

Вилоят ҳоқимининг
матбуот хизмати.



ОБОДЛИК ВА ТОЗАЛИК – ҲАЁТНИНГ КЎРКИ



Туркистон вилоят “Ёшлар имконият маркази” “Тоza Қозоғистон” республика экологик акцияси доирасида “Туркийлар боғи” истироҳат боғида “Тоza ўлка” шанбалиги уюштирди. Бу хайрли ташаббусда вилоятимиз ёшлари ҳам фаол иштирок этмоқда.

Акциядан кўзланган мақсад – “Адолатпарвар инсон – Ҳалол меҳнат – Муносиб даромад” концепцияси асосида экологик маданиятни шакллантириш, ватанпарварлик, табиатни муҳофаза қилиш, атроф-муҳитга меҳр-оқибат каби қадриятларни улғулашдан иборат. Атроф-муҳитни тозалигини сақлаш, экологик тозаликни таъминлашга қаратилган тадбирларда иштирок этиш,

она юртга муҳаббат туйғуларини шакллантириш масалалари ҳам марказ эътиборида.

Шунингдек, туман ва шаҳар кўчаларини тозалигини таъминлаш, экологик маданиятни шакллантириш масалаларига жамоатчилик эътиборини қаратиш режалаштирилган.

Акцияда 100 нафарга яқин фаол ёшлар, олий таълим муас-

сасалари ва олий ўқув юртлари талабалари иштирок этди.

Бугунги кунда жамиятимизда экологик маданиятни шакллантириш, атроф-муҳитни муҳофаза қилишда фаоллик кўрсатаётган меҳр-оқибатли ёшлар кўп. Улар муҳим ушбу акция доирасида турли ташаббусларни амалга ошириш тараддудида.

Вилоят ҳоқимининг
матбуот хизмати.

Обуна–2024

Қадрли газетхон!
“Жанубий Қозоғистон” рўзномасига обуна бошланди.

Ҳиммат кўрсатаман, деганлар нафақадорлар, ногиронлар, кам таъминланган оилаларни газетамга обуна қилишда ҳомийлик қилишлари мумкин.

Ягона мақсадимиз – газетанинг

ададини ошириб, кейинги авлодга ёруғ юз билан етказиш. Бунинг учун миллий ғурури юксак инсонлар сафини кенгайтириш лозим. Ана шу эзгу мақсад йўлида барчамиз бир тан, бир жон бўлиб, аҳилликда бирлашсак, нур устига аъло нур бўларди. Токи тарих, маданият, маърифатни улғулаган халқимизнинг зиёга чанқоқлиги барчага ибрат бўлсин.

6 ойга обуна баҳоси:
«Қазпошта» ҲҲ орқали – Туркистон вилояти бўйича – 3415,50 тенге;
Шимкент шаҳри бўйича – 3095,15 тенге.

НАШР КЎРСАТКИЧИ: 65466



Сайёра САМАНДАР – Ўзбекистон Ёзувчилар уюшмаси аъзоси, филология фанлари номзоди, доцент, “Шухрат” медали соҳибаси.
Муаллифнинг “Сизга айтолмаган сўзларим”, “Кўнглим”, “... Ва яна баҳор”, “Озодликдек бахт йўқдир”, “Фақат ишқ...” номли шеърый тўпламлари чоп этилган.



“ЎҚИЛМАГАН КИТОБЛАР, КҮН КЎРМАГАН ОФТОБЛАР...”

Гулчеҳра Шаҳобиддиннинг шеърлари табиат тилида сирлашаётганга ўхшайди. Шоиранинг назмий талқинлари, ташбеҳлари, мушоҳадалари ниҳоятда самимий ва таъсирчан. Гулдек нафис қалбининг қаъридан уфуриб турган ажиб мардоналик унинг асарларига ўзгача руҳ, халқчиллик, фалсафийлик бахш этади. “Ўқилмаган китоблар” шеърини ўқиётим, беихтиёр кўзингизда ёш қалқийди. Шоиранинг ўтли нидоси ҳеч кимни бефарқ қолдирмайди:



шеърлар қадим кентнинг сўзда чизилган харитасидек ёрқин таассурот қолдиради:
“Дизак” деган кичик қалъадир, Кимгадир у дашту даладир, Асил бойлик дон-дун галладир, Жиззахимни яхши кўраман! Оилапарвар, болапарвар донишманд халқимизнинг “қушнинг ҳам уяси бузилмасин”, деган доно ибораси бор. Мажозий

Ўзбек-у қозоғим, қон-қардош элим!

Буюк тамаддунни ёритган замин, Не-не даҳоларни яратган замин, Олам узра урфон таратган замин, Ўзбек-у қозоғим, қон-қардош элим!

Бир азим дарёдан сув ичган бу эл, Бошига не келса, бир кечган бу эл, Ҳар мушкул туғунни бир ечган бу эл, Ўзбек-у қозоғим, қон-қардош элим!

Ҳикмат уммонида зиё сочган дур, Аҳмад Яссавийдан ёришган шуур, Инсон озод бўлгуй, миллат бўлса хур, Ўзбек-у қозоғим, қон-қардош элим!

Навоий назмида юз очган дунё, Абайнинг дилида сўз очган дунё, Илм-у маърифатдан кўз очган дунё, Ўзбек-у қозоғим, қон-қардош элим!

Маърифат чироғин ёққан жадидлар, Зулмдан қонлари оққан жадидлар, Чўлпон, Фитрат, Чўқай, Мағжан... шаҳидлар, Ўзбек-у қозоғим, қон-қардош элим!

Элнинг дардин айтди ул Базар бахши, Шоберди бахши-ю, Қаландар бахши, Оқин-у бахшиси миллатнинг нақши, Ўзбек-у қозоғим, қон-қардош элим!

Туроним! Куброси ох урган тупроқ, Манғубердилари от сурган тупроқ, Сирим ботирлари жон берган тупроқ, Ўзбек-у қозоғим, қон-қардош элим!

Хива! Маъвун нури таралган макон, Кўҳна минорлардан боқаётган шон, Манғу озоғликка чорлаган ошён, Ўзбек-у қозоғим, қон-қардош элим!

Шерғозихон мадрасаси сочар нур, Пирёввалий мақбараси сочар нур, Баланд толе, мартабаси сочар нур, Ўзбек-у қозоғим, қон-қардош элим!

Бешигида авлиёлар ётган юрт, Боқиргоний ҳикматларин айтган юрт, Бекет ота қадамлари етган юрт, Ўзбек-у қозоғим, қон-қардош элим!

Бўғзим ичра жамол очган сўз элим, Жоним ичра жоним менинг, ўз элим, Жигарим, бовурим, қаро кўз элим, Ўзбек-у қозоғим, қон-қардош элим!

Битта эл, битта дил, танти ва жўмард, Инсон қадри учун майдон узра мард, Шавкатли сарбон бу, бу – Қасим-Жўмарт, Ўзбек-у қозоғим, қон-қардош элим!

Жалолиддин номус, орида Ватан, Комилжон, Орликнинг ториди Ватан, Эркин Самандарнинг зориди Ватан, Сайёранинг жисми, борида Ватан, Ўзбек-у қозоғим, қон-қардош элим!

Сайёра САМАНДАР, Ўзбекистон Ёзувчилар уюшмаси аъзоси, “Шухрат” медали соҳибаси.

Кўплашиб кўтарган юк енгил

Ёнгин – тилсиз ёв. Аждоғларимиз дуоларида ўт, сув, тухмат балосидан сақла, деб ният қилишлари замирида кўп ҳикмат бор. Қўс-меғзлик қишлоғидаги хонадонларнинг бирини 27 март куни кучли ёмғир пайтида бир уйга яшин тушиб, ёнгин чиқди. Уй яшагача ярқисиб бўлиб қолди.

Вилоят “Улес” хайрия жамғармаси ҳамда Туркистон шаҳар ўзбек этномаданият бирлашмаси раиси Райимжон Қўчқоров аёнага кўра ижтимоий тармоқ орқали ҳамюртларимизга мурожаат қилиб, кўпчиликдан ёнгиндан жабр кўрган оилага кўмак сўради. Қисқа муддатда маҳалладошлар, ҳамқишлоқлар, Саврон тумани аҳолиси – кўпчилик бир ёқадан бош чиқариб, янги, олти хонали уйнинг қурилишини бошлаб юборди.

Қурилиш учун хонадон соҳиблари янги ер участкаси сотиб олишти. Доимий обуначиларимиз ака-ука марҳум Шокир, Зокир Олимовлар сулоласи, ёнгиндан жабрланган оилага кўрсатилётган ёрдам учун меҳнат фахрийси Собир Олимов, Зокир Олимовлар самимий миннатдорчилик билдиришти.

Чўрноқдаги тош заводи му-



тасаддиси Алмас Дастанов, тадбиркор Саид Қўрғонбоев ҳамда оғир вазнли самосвал юк автомобиллари бор ҳимматли йигитлар гайрат камарини боғлаб, ҳашарга келишти. Кўплашиб кўтарган юк енгил, деган нақл ўшбу ҳашар қурилиши мисолида ўз аксини топди. Ҳамид Жумадуллаев номидаги кўча бўйида қури-

лаётган янги уйнинг ёнида туман ўзбек этномаданият бирлашмаси раиси, обунада фаол Қўрбоний Ирисбеков халқимизнинг аждоғи аёнага – ҳашар учун миннатдорчилик билдирди.

Ш. МАДАЛИЕВ.
Суратда: янги уй қурилиши ёнида.
Муаллиф тасвири.

ХАЛҚ САЛОМАТЛИГИ ЙЎЛИДА



Туркистон Олий тиббиёт коллежининг фельдшерлик бўлимини тамомлаган Улуғбек Аматажонов билими, ўзига хос тиббий муолажаси тўғрисида Туркистон минтақасида “Улуғбек дўхтир” номи билан танилган.

Раҳматли бобоси Аматажон ота Рўзмухаммедов ҳам тиббиёт билим юртини тамомлаган эса-да, кучли тиб-

биёт ходимларидан бири эди. “Амат дўхтир” номи ҳанузгача баралла янграши боиси ҳам шу. Улуғбек 2018 йили билим юртини тамомлагандан буён бугунги кунга қадар Қорачик қишлоқ амбулаториясига (ҳозир поликлиника) қарашли Қумтийин фельдшерлик-амбулаториялик пунтига раҳбарлик қилиши баробарида Қариз қишлоғидаги “Азия” мажмуа-

Саид ХАЙРУЛЛОҲ.
Суратда: Улуғбек Аматажонов ва унинг жамоаси.



КУТУБХОНА – МАЪНАВИЯТ МАСКАНИ

Қорачик қишлоғи Туркистон минтақасида обунада пешқадам қишлоқлардан бири. Қишлоқ ҳокимлигидаги кутубхона ҳам турли даврий нашрлар қатори семимли “Жанубий Қозоғистон” вилоят ижтимоий-сиёсий газетасига обуна бўлган.

Гарчи кутубхона мудираси Отажон Норметова жорий йил бошидан буён шу ерда

меҳнат қилаётган бўлса-да, семимли газетамизни кўп йиллардан буён семиб мутолаа қилишини айтди. Олий ўқув юртини тамомлагач, яқка суд ижросига кўмакчи бўлиб ишлаган синглимиз маънавият масканида турли маърифий тадбирлар ҳам ташкил этиб келмоқда.

С. ТУРСУНМЕТОВ.
Саврон тумани.

СПОРТ – СОҒЛИК ГАРОВИ



Шимкент шаҳридаги 104-сонли Е. Юсупов номли ўрта мактабда “Спорт – соғлик гарови” мавзuida ўтказилган тадбир ҳар бир ўқувчига ўзгача шукӯҳ бағишлади.

Жисмоний тарбия ўқитувчилари томонидан уюштирилган ўшбу тадбирда ўқувчилар арқон тортиш, волейбол, футбол, шахмат, баскетбол, қувноқлар ва зукколар эстафетаси, пионербол каби спорт турлари бўйича куч синашти.



Ғолиблар кубок, фахрий ёрликлар, ташаккурномалар билан тақдирланди. Уларни мактаб директорининг ўринбосари У. Б. Хадиметова топширди. Спорт байрами ҳар бир ўқувчининг қалбига чуқур из қолдирди.

Тадбирни уюштирган жисмоний тарбия устозларига миннатдорчилик билдириб, келгуси ишларида муваффақиятлар тилаймиз.

Нилуфар МИРКАРИМОВА,
Е. Юсупов номли 104-сонли ўрта мактаб муаллимаси.

